




Fundacion Rancho a celebra Dia Internacional di Imigrante



ORANJESTAD (AAN): Recientemente a celebra Dia Internacional di Imigrante y relaciona cu esaki, Presidente di Stichting Rancho, Clifford Rosa a indica cu tabata importante [a para keto ariba e fecha di 18 di December, cual UNESCO a decreta como Dia Internacional di Migracion.

Den cuadro di esey a trece dilanti diferente idea cual ta resalta e aspecto di musica. A invita e agrupacion Estrellas den Barrio cual tabata un grupo di hoben e tempo aya, cu 'a di Rancho.

Rancho a haya su mesun rancheronan cu a trece un musica, cu den e periodo aki di December, cu semper tabata conoci. Pesey kier a hinca e tambu, gaita, pero a cambie un tiki e d'a ey pa tin un comienso cu ballenato cual tambe ta algo cu a emigra y drenta na Aruba.

Segun Rosa, no ta para keto na locual ta pasando mundialmente cu migracion y e hendenan di Venezuela cu tambe tin na cantidad na Aruba actualmente, tur buscando un mihor bida.

Cada aña ta probcha pa refleha y pensa kico mi-

gracion kiermen. Tabata tin momentonan cu e arubianonan tambe a emigra, tempo cu e indigenanan a sali.

Pa celebra e dia aki a tene e actividad na Rancho Plaza (Pleinchi Coco). Den un ambiente familiar, Stichting Rancho a tene nan ultimo actividad pa 2019.

Clifford Rosa a laga sa cu 2019 tabata un aña hopi bon ya cu tabata tin hopi actividad. Tabata tin fondonan pa logra esaki, pero tog a refleha cu ta haci tur e actividadnan aki pa comunidad participa.

Pa 2020, a agrega cu nan

ta preparando pa haya un localidad nobo. Tin un proyecto cu ta bay wordo introduci cu ta yama "Rancho Crece" y hopi otro proyecto lo mester bin na

bida cu tin di haber cu e desaroyo economico cu kier mira pa e mehoracion di e fundacion, pero tambe di e area Rancho y Oranjestad en general.